



DIE LOOT

NUUSBRIEF VAN GEREFORMEERDE KERK BELLVILLE

Ek is die wynstok, julle die lote. Wie in My bly, en Ek in hom, hy dra veel vrug;
want sonder My kan julle niks doen nie. *Johannes 15:5*

19 Augustus 2018

1. EREDIENSINLIGTING

Oggend	Ds. C.C.A. Vrey	Aand	Ds. C.C.A. Vrey
Sing vooraf	Ps. 119: 61, 63	Sing vooraf	Sb. 9-1: 1, 8, 11 (26)
Sing	Ps. 98: 1, 3	Sing	Ps. 48: 1, 4
	Ps. 61: 1, 6		Sb. 10-1: 1, 2, 4 (28)
	Sb. 11-1: 1, 2, 10, 11 (22)		Sb. 9-4: 1 - 3 (21)
	Ps. 71: 13, 14		
Skriflesing	Lukas 15:1-10	Skriflesing	Genesis 1:26-31 ; 9:1-7 HK Sondag 40
Teks	Lukas 15:6, 9	Teks	Genesis 1:26 ; 9:6
Tema	Oor elke sondaar wat Hy vind, verheug God Hom	Tema	Om die beeld van God in alle mense te eerbiedig
Katkisasie-opening: Psalm 40: 4			

2. ALGEMENE KERKNUUS

BEROEPE

Beroepe Ontvang

- Ds AB van der Walt (Braam) van Lichtenburg na Eden

BYBELPLASINGSTOER NA MALAWI

Die Deputate Jeugsorg bied 'n Bybelplasingstoer na Malawi vir hoërskoolleerders en studente. Dit vind plaas van 23 Junie tot 4 Julie 2019. Beperte plekke is beskikbaar en inskrywings sluit Februarie 2019. Meer inligting is op die kennisgewingsborde by die deure beskikbaar.

3. GEMEENTENUUS EN –AKTIWITEITE

BASAAR

Die basaarkomitee wil graag **Saterdag, 8 September** die basaarkamer uitsorteer en regpak. Enige hulp sal baie waardeer word – vele hande maak ligte werk!

Ons benodig ook nog 'n paar **koördineerders vir stalletjies**. Kontak asseblief vir sr. Willina Cilliers indien jy betrokke wil raak.

BYBELSTUDIE

Bellville: Dinsdag om 09h30 in die konsistorie. Vanweë die Reformasie Konferensie is daar geen bybelstudie die aand nie.

Bybelstudie vir mamma's: Woensdag 09h30 (kontak sr. Sanet van Hoving)

DIE GEELBLADSYE

Die Geelbladsye is ons gemeente se advertensie blad wat een keer per kwartaal (met nagmaal) uitgegee word. Nuwe advertensies of veranderinge aan bestaande advertensies moet asseblief voor **eerskomende Dinsdag om 09h00** gestuur word na gkbellville@mwebbiz.co.za

GEMEENTEKAMP

Ons gemeentekamp vind DV plaas by **Mizpah** (naby Grabouw) van **Vrydag, 28 September tot Sondag, 30 September**. Alle maaltye word voorsien, slaapplek is in huisies met 'n badkamer en gesinne betaal slegs vir volwassenes en die oudste 2 kinders. Skryf asseblief u naam op die lys in die teedrinklokaal indien u die kamp wil bywoon. Dit is voorwaar 'n geleentheid wat u nie wil misloop nie en beperkte plekke is beskikbaar! Betalings kan per EFT met die verwysing KAMP+naam gedoen word of plaas kontant in 'n gemerkte koevert in die Kassiere kassie.

Kontakpersoon: br. Jaco Cilliers of sr. Willina Cilliers

Koste: Volwassene R350
Kinders 6-16 jaar R200
Kinders 2-6 jaar R50
Kinders onder 2 jaar kom gratis

MEELEWING

Ons bid die seën van die Here toe vir:

- Br. Freddie Scheepers wat in die hospitaal opgeneem is met hartprobleme
- Sr. Agustia van Heerden wat 'n skouer-operasie ondergaan het
- Sr. Chanté Wendt wat in 'n motorongeluk betrokke was

OMGEWINGSAKE

Ons probeer so graag die tol wegwens en nie te bereken wat 'n moderne, uitspattige lewenstyl (die sogenaamde millenniër generasie 1980–1996 en die Z generasie 1995–2018) in ons omgewing geëis het nie. Omgewingskade is reeds so erg op baie terreine dat dit nie meer, soos so dikwels in die verlede, net as van akademiese belang gereken kan word nie. Toenemende armoede en onrus vra 'n herwaardering van ons samelewing voor omgewingsbankrotenskap intree. Kennis en tegnologie gaan nie ons ekologiese probleme oplos nie. Hou dus op om na buite jouself te kyk om jou lewensomstandighede te verbeter en verbeter so jou prestasie.

REFORMASIE KONFERENSIE 2018

Die Reformasie Konferensie 2018 vind op **Dinsdag, 21 Augustus om 19h00** plaas in ons kerkgebou. Die tema van vanjaar se konferensie is: **Die Hele Dordt – 'n volle 400 jaar**.

Die sprekers en onderwerpe tydens die geleentheid is soos volg:

- Dr. Victor d'Assonville – In die huis van God die Woord van God (Dordrecht en die Skrif)
- Dr. Erik van Alten - Tulp, vyf blommetjies, of die volle ruiker? (Dordrecht en die Belydenis)
- Dr. Gerard Meijer - Welvoeglik en ordelik (Dordrecht en die Kerkorde)
- Ds. Peet Coetzee – “Om Gereformeerde te blijven” – 1859 'n terugkeer in leer, diens en tug na Dordt 1618/1619

Om te help om die kostes vir die sprekers te dek, sal daar 'n kollekte aan die einde van die konferensie by die deure ingevorder word.

SANDJIES

Die Sandjies kom DV **Saterdag, 2 Junie om 10h00** bymekaar op die kerkterrein. Ons gaan lekker saam speel en meer leer oor die Barmhartige Samaritaan. Ons nooi al die kleuters uit om te kom deelneem aan die pret! Kontakpersoon: sr. Willina Cilliers

SMULFEES

Die susters nooi u hartlik uit na die jaarlikse Smulfees op DV **Vrydag, 7 September** om **18h30**. Hierdie jaar is ons tema **Liplekker-Lemoene!** Skryf asseblief u naam op die lys in die teedrink-lokaal teen Sondag, 2 September indien u die geleentheid wil bywoon. Die koste verbonde is R60 per persoon en R25 per kind (onder 10 jaar). Daar sal, soos oudergewoonte, 'n oppas-diens in die kerkhuis beskikbaar wees. Betalings kan per EFT gedoen word (met die verwysing SMUL+naam) of gee die korrekte kontant in 'n gemerkte koevert vir sr. Margarita van Niekerk. Kontakpersoon: sr. Tillie Wüst

4. SUSTERS

BESTUURSVERKIESING

Die verkiesing van die Sustersbestuur vir 2019 vind tydens die komende vergadering op Woensdag, 29 Augustus plaas. Nominasievorms is by die deure en op die Susters aansteekbord beskikbaar. U word vriendelik versoek om betyds kandidate te nomineer (met hul medewete en instemming) en om ook 'n sekondant te verkry. Nominasievorms moet teen die aanvang van die vergadering ingehandig wees. Indien u geroepe voel om op hierdie wyse diensbaar te wees in die gemeente, kontak gerus sr. Judy Venter.

EMBLEEM VIR DIE SUSTERS

Die keuse van 'n embleem het op 'n staking van stemme geëindig. Die bestuur het dit goedgedink om weer 'n uitnodiging te rig aan alle lidmate om jul ontwerp(e) vir 'n embleem voor te lê. Die tema: **Omgee**, gebaseer op Johannes 14:20-21: "... weet dat Ek in my Vader is, en julle in My, en Ek in julle. ... en Ek sal hom liefhê en My aan hom openbaar." **Die sluitingsdatum is Woensdag, 12 September.** Gee die ontwerpe asseblief ná die oggendediens aan srs. Judy Venter of Deléne Vrey of stuur dit per e-pos aan judy.venter@mweb.co.za

TEESKINKBEURTE

Vandag: Srs. **Lizette Opperman**, Jeanette Janse van Rensburg, Debbie Joubert, Elise Joubert, Hester Lyons, Veronica Reyneke, Lana Senekal, Yolandi Taljaard

Woensdag (Kerkraad): Srs. **Lidia Juyn**, Jacqueline Meijering, Liana van der Walt, Judy Venter

Volgende Sondag – Nagmaal: *Geen tee/koffie* Alle susters word vriendelik versoek om te help opruim in die kombuis na afloop van die gemeente-ete

VERGADERING

U word hartlik uitgenooi na die vergadering op DV **Woensdag, 29 Augustus** om 19h00. Koffie, tee en verversings word reeds vanaf 18h30 bedien.

5. VAN DIE KERKRAADSTAFEL

DIENSBEURTE VIR OUDERLINGE EN DIAKENS

Diakens

Vandag: Brs. Eduard Roos, Ruthven Janse van Rensburg, Herman Boneschans, **Jaco Coetsee**

Volgende week: Brs. Piet Reyneke, Mannes Nijeboer, Riaan Janse van Rensburg, Martin van der Walt

Ouderlinge

Vandag: Brs. Elzar Wendt, Johan Snyman, Guillaume Gerber, Cassie Bester

Volgende week: Brs. Berend Meijering, Arno Loots, Jacobus Venter, Jakobus Wüst

Diensbeurte in Rondebosch (ouderling en diaken)

Vandag: Brs. Willem de Haan, Paul Swart

Volgende week: Brs. Peet van der Walt, Willie Swanepoel

KOLLEKTE

Onder die erediens:

By die deure:

Vandag:

Diakonale Kas

Bolandse Bedieningsfonds

Volgende Sondag:

Diakonale Kas

Instandhouding van eiendomme

HUISBESOEK DEUR DIE PREDIKANT

Augustus: 27/08 Stellenryk

September: 03/09 Oak Glen, 17/09 Goedemoed

Oktober: 15/10 Chrismar, 29/10 Langeberg Ridge

NAGMAAL

Ons gemeente vier DV **Sondag, 26 Augustus** tydens die oggenderediens die sakrament van die Heilige Nagmaal. Rakende die Nagmaalviering die volgende: Die Gereformeerde Leer vereis dat daar toesig gehou word oor almal wat aan die Nagmaal deelneem. Die Here vereis van die kerkraad om te sorg dat die tafel van die Here heilig gehou word. Die kerkraad moet hulle dus voor die Here kan verantwoord oor die leer en lewe van elke deelnemer aan die Nagmaal. Enige persoon wat nie 'n belydende lidmaat van die Gereformeerde Kerk Bellville is nie en wat wil deelneem aan 'n Nagmaalviering in die GK Bellville, moet dus 'n getuienis inlewer van die kerk waar hy/sy vandaan kom. In hierdie getuienis moet sy/haar kerk baie duidelik aantoon dat hierdie persoon suiwer is in leer en lewe en dat hulle inderdaad aanbeveel dat so 'n persoon saam met ons Nagmaal vier. Gevolglik kan lidmate van enige kerk wat nie saamstem met die leer en die sakramentsbeskouing van die GKSA nie, ook nie tot die Nagmaaltafel toegelaat word nie. Alle aansoeke om saam met ons Nagmaal te vier, moet voor die kerkraad dien. Dit is verkieslik dat hierdie aansoeke skriftelik moet wees en dat die aanbevelings ook skriftelik moet wees. By wyse van buitengewone uitsondering, kan telefoniese bevestiging van die kerk waar sodanige nie-lidmate vandaan kom, aanvaar word.

Aansoeke om Nagmaal saam met ons te vier, moet asseblief voor of tydens die kerkraadsvergadering eerskomende Woensdag ingedien word.

Gemeente-ete

Almal word hartlik uitgenooi na die gemeente-ete volgende Sondag na die Nagmaal-erediens. Elke gesin bring asseblief 'n vleisgereg, slaai en nagereg (maak asseblief 'n bietjie meer as wat u normaalweg vir uself sou maak). Die tafelgebed word om 12h00 gedoen.

VERGADERINGS

Basaarbestuur

Vanaand na die erediens in die kerkhuis

Kerkraad

Woensdag om 19h00 in die konsistorie

6. VERJAARSDAE

Baie geluk aan al ons lidmate wat hierdie week verjaar. 'n Geseënde nuwe lewensjaar word u toegebied.

Vandag	Sr. Arnolda Goodey Br. Lukas Visagie
20/08	Sr. Bets Koen Br. Thiaan Roux
21/08	Sr. Mariëtte Lombard
23/08	Br. Arno Loots
24/08	Sr. Alma Mulder
25/08	Sr. Daniëlle Smit

Tog is die Here gretig om julle genadig te wees en wil Hy Hom oor julle ontferm ...

Jesaja 30:18

Berigte vir Die Loot moet asseblief teen **Woensdag om 16h00** per e-pos gestuur word na gkbellville@mwebbiz.co.za